

REGLUGERÐ FRAMKVÆMDASTJÓRNARINNAR (EB) nr. 1500/2000**2001/EES/57/35**

frá 10. júlí 2000

um framkvæmd reglugerðar ráðsins (EB) nr. 2223/96 að því er varðar útgjöld og tekjur hins opinbera(*)FRAMKVÆMDASTJÓRN EVRÓPUBANDALAGANNA
HEFUR,

með hliðsjón af stofnsáttmála Evrópubandalagsins,

með hliðsjón af reglugerð ráðsins (EB) nr. 2223/96 frá 25. júní 1996 um evrópskt þjóðhags- og svæðisreikningakerfi í bandalaginu (ESA 95⁽¹⁾), eins og henni var síðast breytt með reglugerð (EB) nr. 448/98⁽²⁾, einkum 2. mgr. 2. gr. og 2. mgr. 3. gr.,

og að teknu tilliti til eftirfarandi:

- 1) Samkvæmt 2. mgr. 104. gr. sáttmálans ber framkvæmdastjórninni að fylgjast með þróun fjárhagsstöðunnar.
- 2) Markmiðið með inntaki og formi stöðugleika- og samleitniáætlana er að gera aðferðir við opinbert uppgjör og almenna fjárhagsáætlun skiljanlegri og að veita viðbótarupplýsingar um hlutföll útgjalda og tekna.
- 3) Litið er á reglur um þjóðhagsreikninga, einkum hugtök er varða ESA 95, sem teki til að tryggja að gögn, sem fara á milli aðildarríkjanna, séu samanburðarhæf og gagnsæ.
- 4) Í viðauka A „Evrópska þjóðhags- og svæðisreikningakerfið í Evrópubandalaginu frá 1995“ er ekki getið um opinber útgjöld og tekjur, heldur er þar kveðið á um ramma fyrir þau með vísun í skrá yfir flokka ESA 95.
- 5) Innleiðing lykilstærða, sem tengjast útgjöldum og tekjum hins opinbera, fela í sér skyldar breytingar á sendingaráætlun gagna er varða þjóðhagsreikninga.
- 6) Með viðbótarsendingu á lykilstærðum (ársgögnum) hins opinbera, í mars árlega, fást gagnlegar upplýsingar um þróun að því er varðar tap hjá hinu opinbera.

- 7) Samkvæmt 2. mgr. 2. gr. og 2. mgr. 3. gr. reglugerðar (EB) nr. 2223/96 skal framkvæmdastjórnin samþykkja breytingar á ESA 95, sem ætlað er að skýra og bæta innihald kerfisins og þarfnast breytinga á gögnum frá aðildarríkjunum, í samræmi við málsmeðferðina sem mælt er fyrir um í 4. gr. téðrar reglugerðar.
- 8) Samráð hefur verið haft við hagskýrslunefndina um peningamál, fjármál og greiðslujöfnuð sem skipuð var með tilskipun 91/115/EBE⁽³⁾.
- 9) Ráðstafanir, sem kveðið er á um í þessari reglugerð, eru í samræmi við álit hagskýrsluáætlunarnefndarinnar sem komið var á fót með ákvörðun ráðsins 89/382/EBE, KBE⁽⁴⁾.

SAMÞYKKT REGLUGERÐ ÞESSA:

1. gr.

Markmiðið með þessari reglugerð er að skilgreina útgjöld og tekjur hins opinbera, að bæta við flokkunum viðskipta með vörur og þjónustu (P) og viðskiptadreifingu (D) og breyta sendingaráætlun gagna er varða þjóðhagsreikninga.

2. gr.

Viðauki A (evrópska þjóðhags- og svæðisreikningakerfið í Evrópubandalaginu frá 1995) og viðauki B (sendingaráætlun gagna er varða þjóðhagsreikninga) við reglugerð ráðsins (EB) nr. 2223/96 frá 25. júní 1996 skal breytt í samræmi við viðauka þessarar reglugerðar.

*3. gr.*Reglugerð þessi öðlast gildi á tuttugasta degi eftir að hún birtist í *Stjórnartíðindum Evrópubandalaganna*.

Reglugerð þessi er bindandi í heild sinni og gildir í öllum aðildarríkjunum án frekari lögfestingar.

Gjört í Brussel 10. júlí 2000.

Fyrir hönd framkvæmdastjórnarinnar,

Pedro SOLBES MIRA

framkvæmdastjóri.

(*) Þessi EB-gerð, sem birtist í Stjtið. EB L 172, 12.7.2000, bls. 3, var nefnd í ákvörðun sameiginlegu EES-nefndarinnar nr. 23/2001 frá 23. febrúar 2001 um breytingu á XXI. viðauka (Hagskýrslugerð) við EES-samninginn. Sjá EES-viðbæti við Stjórnartíðindi Evrópubandalaganna nr. 22, 26.4.2001, bls. 20.

⁽¹⁾ Stjtið. EB L 310, 30.11.1996, bls. 1.

⁽²⁾ Stjtið. EB L 58, 27.2.1998, bls. 1.

⁽³⁾ Stjtið. EB L 59, 6.3.1991, bls. 19.

⁽⁴⁾ Stjtið. EB L 181, 28.6.1989, bls. 47.

VIÐAUKI

Viðaukum A og B við reglugerð (EB) nr. 2223/96 er breytt sem hér segir:

1. Í viðauka A:

a) Í lið 3.23 í 3. kafla bætist við eftirfarandi málslíður:

„Hægt er að skipta annarri framleiðslu utan markaðar (P.13) í tvo liði: „Greiðslur fyrir aðra framleiðslu utan markaðar“ (P.131), sem felur í sér ýmis gjöld og kostnað, og „aðra framleiðslu utan markaðar, sem eftir er“ (P.132), sem nær til framleiðslu sem veitt er endurgjaldslaust.“

b) Í 3. kafla komi eftirfarandi í stað liðanna 3.79 og 3.96:

„3.79 Í neyslukostnaði (P.3) hins opinbera felast tveir útgjaldaflokkar, sem svara til neyslugjalda sjálfseignarstofnana sem þjóna heimilum (NPISH):

a) verðmæti vara og þjónustu, sem hið opinbera framleiðir sjálf (P.1), annað en fjármunamyndun á eigin reikningi (samsvarandi P.12) og sala. Markaðsframleiðsla (P.11) og greiðslur fyrir aðra framleiðslu utan markaðar (P.131);

b) kaup hins opinbera á vörum og þjónustu sem framleidd er af markaðsframleiðendum og afhent heimilum, án nokkurra umbreytinga, sem félagslegar greiðslur í fríðu (D.6311 + D.63121 + D.63131). Hið opinbera greiðir því aðeins fyrir vörur og þjónustu sem seljendurnir veita heimilum.“

„3.96 Neyslukostnaður (P.3) hins opinbera eða sjálfseignarstofnana, sem þjóna heimilum, er jafnhár framleiðslufjárhæð þeirra (P.1), að viðbættum útgjöldum vegna framleiðsluvara til heimila sem fara um markaðsframleiðendur, hluta af félagslegum greiðslum í fríðu (D.6311 + D.63121 + D.63131), að frádregnum greiðslum frá öðrum einingum, markaðsframleiðslu (P.11) og greiðslum vegna annarrar framleiðslu utan markaðar (P.131), að frádreginni fjármunamyndun á eigin reikningi (samsvarandi P.12).“

c) Í þriðja undirlið, lið 4.105 í 4. kafla, sem tengist „öðrum félagslegum greiðslum í fríðu úr almannatryggingum (D. 6312)“, bætist við eftirfarandi málslíður:

„Þess vegna er unnt að skipta öðrum félagslegum greiðslum í fríðu úr almannatryggingum í framlög vegna þjónustu, sem er framleidd af markaðsframleiðendum og keypt af hinu opinbera eða sjálfseignarstofnunum sem þjóna heimilum (D.63121), og framlög vegna þjónustu sem er framleidd af framleiðendum utan markaðar (D.63122).“

d) Í fjórða undirlið, lið 4.105 í 4. kafla sem tengist „Annarri félagslegri aðstoð í fríðu úr almannatryggingum (D.6312)“ bætist við eftirfarandi málslíður:

„Þess vegna er unnt að skipta félagslegri aðstoð, sem greidd er í fríðu, í aðstoð vegna þjónustu sem er framleidd af markaðsframleiðendum og keypt af hinu opinbera eða sjálfseignarstofnunum sem þjóna heimilum (D.63131) og aðstoð vegna þjónustu sem er framleidd af framleiðendum utan markaðar (D.63132).“

e) Í 8. kafla komi nýr liður, a-liður í lið 8.99 :

„ÚTGJÖLD OG TEKJUR HINS OPINBERA

8.99 a) Útgjöld og tekjur hins opinbera eru skilgreind með tilvísun til flokkunar ESA 95.

Opinber útgjöld falla undir eftirfarandi flokka ESA 95 og eru skráð undir opinbera reikninga, að undanskildum liðum D.3 og D.9 sem eru skráðir undir tilfangahliðina í reikningum hins opinbera ⁽¹⁾:

P.2	Aðfanganotkun
P.5	Fjárfesting
D.1	Laun og launatengd gjöld
D.29	Aðrir skattar á framleiðslu
D.3	Styrkir, ógreiddir
D.4	Eignatekjur
D.5	Aðrir tekju- og eignaskattar o.s.frv.
D.62	Félagslegar bætur aðrar en félagslegar greiðslur í fríðu

- D.6311 + Félagslegar greiðslur í fríðu sem tengjast útgjöldum vegna framleiðsluvara til heimilisnota sem fara um
 D.63121 + markaðsframleiðendur
 D.63131
- D.7 Aðrar rekstrartilfærslur
- D.8 Leiðrétting vegna breytinga á eigin fé heimila, nettó, í lífeyrisvarasjóð
- D.9 Fjármagnstilfærslur, ógreiddar
- K.2 Kaup að frádregnum ráðstöfunum á eignum sem hvorki eru framleiddar né peningalegar eignir

Opinberar tekjur falla undir flokka ESA 95, skráðar undir liðnum tilföng á reikningum hins opinbera, að undanskildum lið D.39 sem er skráður undir liðnum notkun í reikningum hins opinbera:

- P.11 Markaðsframleiðsla
- P.12 Framleiðsla til eigin nota
- P.131 Greiðslur fyrir aðra framleiðslu utan markaðar
- D.2 Skattar á framleiðslu og innflutning
- D.39 Aðrir framleiðslustyrkir, óinnheimtir
- D.4 Eignatekjur
- D.5 Skattar ársins á tekjum, eignir o.s.frv.
- D.61 Framlög til félagslegra kerfa
- D.7 Aðrar rekstrartilfærslur
- D.9 (1) Fjármagnstilfærslur

(¹) Litið er á leiðréttingar á sköttum og framlögum til félagslegra kerfa sem eru reiknaðar en ekki innheimtar þegar þær voru skráðar undir D.9 sem neikvæðar tekjur.

Samkvæmt skilgreiningu er mismunur á tekjum og útgjöldum hins opinbera nettóútlán (+)/ nettó-lántaka (-) opinbera geirans.

Færslur D.41, D.7, D.92 og D.99 eru sameinaðar. Aðrar færslur eru ekki sameinaðar.“

- f) Í IV. viðauka, í Flokkun viðskiptaflæðis og annars konar flæðis — Viðskipti með vörur og þjónustu (framleiðsluvörur) (P), undirnámer P.1 Framleiðsla, bætist við eftirfarandi færslur:

- „P.131 Greiðslur fyrir aðra framleiðslu utan markaðar
- P.132 Önnur framleiðsla utan markaðar, sem eftir er“

- g) Í IV. viðauka, í Flokkun viðskiptaflæðis og annars konar flæðis — Jöfnunarviðskipti (D), undirnámeri D.6. Framlög til félagslegra kerfa og félagslegar bætur, bætist við eftirfarandi færslur á eftir D.6312:

- „D.63121 Aðrar félagslegar bætur í fríðu frá markaðsframleiðendum
- D.63122 Aðrar félagslegar bætur í fríðu frá framleiðendum utan markaðar“

- h) Í IV. viðauka, í Flokkun viðskiptaflæðis og annars konar flæðis — Jöfnunarviðskipti (D), undirnámeri D.6. Framlög til félagslegra kerfa og félagslegar greiðslur, bætist við eftirfarandi færslur á eftir D.6313:

- „D.63131 Önnur félagsleg aðstoð í fríðu sem markaðsframleiðendur veita
- D.63132 Félagsleg aðstoð í fríðu sem framleiðendur utan markaðar veita“

2. Í viðauka B:

- a) Í töflunni, sem ber yfirskriftina Yfirlit yfir töflurnar, bætist við ný lína 3a sem hér segir:

„2001	3	97-00	Lykilstærðir hins opinbera	2“
-------	---	-------	----------------------------	----

b) Í stað töflu 2 komi eftirfarandi:

„Tafla 2 — Lykilstærðir hins opinbera

Sameiningarreglur: færslur D.41, D.7, D.92 og D.99 eru sameinaðar. Aðrar færslur eru ekki sameinaðar.

Kóði	Skrá yfir breytur	Skýrsluár t + 3	Skýrsluár t + 8
P.1	Framleiðsla		X
P.11 + P.12	— Markaðsframleiðsla og framleiðsla til eigin nota		X
P.13	— Önnur framleiðsla utan markaðar		X
P.131	— Greiðslur fyrir aðra framleiðslu utan markaðar		X
P.132	— Önnur framleiðsla utan markaðar, sem eftir er		X
P.11 + P.12 + P.131		X	
P.2	Aðfanganotkun	X	X
B.1G	Virðisauki, vergur		X
K.1	Afskriftir af fastafjármunum		X
B.1N	Virðisauki, nettó		X
D.1P	Laun og launatengd gjöld, ógreidd	X	X
D.29P	Aðrir skattar á framleiðslu, ógreiddir	X	X
D.39R	Aðrir framleiðslustyrkir, óinnheimtir	X	X
B.2N	Rekstrarafgangur, nettó		X
D.2R	Skattar á framleiðslu og innflutnings, óinnheimtir	X	X
D.4R	Eignatekjur, óinnheimtar	X	X
D.3P	Styrkir, ógreiddir	X	X
D.4P	Eignatekjur, fyrirframinnheimtar	X	X
D.41P	— Vextir, áfallnir	X	X

Kóði	Skrá yfir breytur	Skýrsluár t + 3	Skýrsluár t + 8
D.42P + ...D.45P	— Aðrar eignatekjur, fyrirframinnheimtar	X	X
B.5N	Jöfnuður fyrir aðaltekjur, nettó		X
D.5R	Skattar ársins á tekjur, eignir o.s.frv., óinnheimtir	X	X
D.61.R	Framlög til félagslegra kerfa, óinnheimt	X	X
D.611R	— Raunframlög til félagslegra kerfa, óinnheimt	X	X
D.612	— Reiknuð framlög til félagslegra kerfa	X	X
D.7R	Aðrar rekstrartilfærslur, óinnheimtar	X	X
D.5P	Skattar ársins á tekjur, eignir o.s.frv., fyrirframinnheimtir	X	X
D.62P	Félagslegar bætur aðrar en félagslegar greiðslur í fríðu, ógreiddar		X
D.6311P + D.63121P + D.63131P	Félagslegar greiðslur í fríðu sem tengjast útgjöldum vegna framleiðsluvara til heimilisnota um markaðsframleiðendur		X
D.62P + D.6311P + D.63121P + D.63131P		X	
D.7P	Aðrar rekstrartilfærslur, ógreiddar	X	X
B.6N	Ráðstöfunartekjur, nettó		X
P.3	Neyslukostnaður		X
P.31	— Einkaneyslukostnaður		X
P.32	— Samneyslukostnaður		X
D.8	Aðlögun vegna breytinga á hreinni eign heimila í lífeyrissjóðum	X	X
B.8G	Sparnaður, vergur	X	X
B.8N	Sparnaður, nettó		X
D.9R	Fjármagnstilfærslur, óinnheimtar	X	X
D.91R	— Fjármagnsskattar, óinnheimtir	X	X
D.92R + D.99R	— Fjárfestingarstyrkir og aðrar fjármagnstilfærslur, óinnheimtar	X	X
D.9P	Fjármagnstilfærslur, ógreiddar	X	X

Kóði	Skrá yfir breytur	Skýrsluár t + 3	Skýrsluár t + 8
P.5	Fjárfesting		X
P.51	— Fjármunamyndun	X	X
P.52 + P.53	— Breytingar á birgðum og kaupum að frádregnum verðmætaráðstöfunum		X
K.2	Kaup að frádregnum ráðstöfunum á eignum sem hvorki eru framleiddar né peningalegar eignir		X
P.5 + K.2		X	
B.9	Nettóútlán (+) / Nettólántaka (-)	X	X
TE	Heildarútgjöld hins opinbera	X	X
TR	Heildartekjur hins opinbera	X	X

TE = P.2 + P.5 + D.1P + D.29P + D.3P + D.4P + D.5P + D.62P + D.6311P + D.63121P + D.63131P + D.7P + D.8 + D.9P + K.2
 TR = P.11 + P.12 + P.131 + D.2R + D.39R + D.4R + D.5R + D.61R + D.7R + D.9R“

c) Í stað töflu 11 komi eftirfarandi:

„Tafla 11 — Útgjöld hins opinbera eftir starfssviði

	Fjárfesting + kaup að frádregnum ráðstöfunum á eignum sem hvorki eru framleiddar né peningalegar eignir	Laun og launatengd gjöld	Styrkir	Eignatekjur	Félagslegar bætur og félagslegar greiðslur í fríðu fyrir framleiðsluvörur til heimila gegnum markaðsframleiðendur	Aðfanganotkun + aðrir skattar á framleiðslu + skattar ársins á tekjur, eignir o.s.frv. + aðlögun vegna breytingar á eigin fé heimila, nettó, í varalífeyrisjóðum	Aðrar rekstrar-tilfærslur	Fjármagns-tilfærslur	Heildarútgjöld hins opinbera ⁽²⁾	Til upplýsinga: Neyslu-kostnaður
Kóðar ESA 95	P.5 + K.2	D.1	D.3	D.4	D.62 + D.6311 + D.63121 + D.63131	P.2 + D.29 + D.5 + D.8	D.7	D.9		P.3
COFOG-flokkun (Flokkun sam-neyslu eftir viðfangsefnum) ⁽¹⁾				Sameinaðar			Sameinaðar	Sameinaðar		
Þjónusta við almenning Varnarmál Allsherjarregla og almannaoðryggi Efnahagsmál Umhverfisvernd Húsnæðis- og heilbrigðismál Tómstundir, menning og trúarbrögð Menntun Félagsleg vernd Samanlagt ⁽²⁾										

⁽¹⁾ Útgáfan frá 1999

⁽²⁾ Samanlagt eftir viðskiptum, þegar það á við, og samanlagt (heildarútgjöld hins opinbera „TE“ eru í samræmi við töflu 2).“

- d) Í „Undanþágur vegna taflnanna, sem leggja ber fram í tengslum við spurningalista ESA 95 eftir landi, liður 7.1 (ÍRLAND — Undanþágur fyrir töflur)“

Ný lína 6 (a) skal sett inn samkvæmt eftirfarandi:

„2	Helstu lykilstærðir hins opinbera	Skýrsluár t + 3	Til 2002“
----	-----------------------------------	-----------------	-----------

- e) Í „Undanþágur vegna taflnanna, sem leggja ber fram í tengslum við spurningalista ESA 95 eftir landi, liður 10.1 (HOLLAND — Undanþága fyrir töflur)“

Ný lína 6 (a) skal sett inn samkvæmt eftirfarandi:

„2	Helstu lykilstærðir hins opinbera	Skýrsluár t + 3	Til 2003“
----	-----------------------------------	-----------------	-----------